

ხელშეკრულება
სახელმწიფო შესყიდვის შესახებ №126

ქ. თბილისი

21 თებერვალი 2019 წელი

1. ხელშეკრულების დამდები მხარეები

ერთის მხრივ საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, წარმოდგენილი ეკონომიური დეპარტამენტის დირექტორის თია მელაძის სახით და მეორეს მხრივ

მიმწოდებელი: შპს „სოლემარტი“; საიდენტიფიკაციო კოდი: 404903119;

მისამართი: ქ. თბილისი, ფანასკერტელის ქუჩა N20ა, ბ.1; ტელ: 599 10-95-10;

დირექტორი: ზურაბ ტუკვაძე;

საბანკო რეკვიზიტები: სს „ბაზისბანკი“; ბანკის კოდი: CBASGE22; ა/ა: GE54 BS00 0000 0044 5365 47;

შემდგომში „მიმწოდებელი“ საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება და ხელშეკრულების მოქმედების ვადა**

2.1. ხელშეკრულების (შესყიდვის) ობიექტია: **შსს საპატრულო პოლიციის დეპარტამენტის მოთხოვნის უზრუნველსაყოფად, პორტატული ნარკოტესტერების, ნარკოტესტერის შესანახი სპეციალური ყუთების და სპეციალური საბეჭდი ხელსაწყოების შესყიდვა.** ინფორმაცია საქონლის დასახელების, რაოდენობისა და ერთეულის ღირებულების შესახებ მოცემულია მიმწოდებლის მიერ წარმოდგენილ ფასთა ცხრილში, რომელიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N1, 3 (სამი) ფურცელი)

2.2. შესყიდვის საშუალება: ელექტრონული ტენდერი აუქციონის გარეშე **NAT190001632**

2.3. ხელშეკრულების საერთო ღირებულება შეადგენს **550 000** (ხუთას ორმოცდაათი ათასი) ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

2.4. კლასიფიკატორის კოდი - CPV- 38400000 - ფიზიკური მახასიათებლების კონტროლის ხელსაწყოები.

2.5. ხელშეკრულება ძალაშია ხელშეკრულების გაფორმებიდან 2019 წლის 30 სექტემბრის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

3. შესყიდვის ობიექტის მიწოდების პირობები, ვადა და ადგილი

3.1. შესყიდვის ობიექტის მიწოდების ვადა: ა) ფასთა ცხრილის პირველი და მეორე პოზიციებით გათვალისწინებული საქონელი - ხელშეკრულების გაფორმებიდან 60 (სამოცი) კალენდარული დღის განმავლობაში. ბ) ფასთა ცხრილის მესამე პოზიციით გათვალისწინებული საქონელი - ხელშეკრულების გაფორმებიდან 90 (ოთხმოცდაათი) კალენდარული დღის განმავლობაში.

3.2. შესყიდვის ობიექტის მიწოდების ადგილი: ქ. თბილისი, ქიზიყის ქუჩა N5.

3.3. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

3.4. მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

4. შესყიდვის ობიექტის ხარისხი და გარანტია

4.1. მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2. ფასთა ცხრილის მე-2 პოზიციით გათვალისწინებული საქონლის საგარანტიო ვადა განისაზღვრება წინამდებარე ხელშეკრულების დანართ N1-ში მითითებული ვადის შესაბამისად.

4.3. ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია **10 (ათი)** კალენდარული დღის ვადაში გამოასწოროს იგი ან შეცვალოს ახალი შესყიდვის ობიექტით, შემსყიდველის მხრიდან დამატებითი დანახარჯების გაწევის გარეშე.

4.4. მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5. ხელშეკრულების შესრულების კონტროლი

5.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3. შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს **შსს საინფორმაციო-ანალიტიკური დეპარტამენტის კვლევისა და რეფორმების სამმართველოს უფროსი ბექა ლილუაშვილი.**

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ **შსს ლოჯისტიკის დეპარტამენტის მარაგებით უზრუნველყოფის სამმართველოს მარაგებით მართვის სამსახურის შესაბამისი უფლებამოსილი პირი.**

6.3. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება და ანგარიშსწორების ვალუტა

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება განხორციელდება **2019 წლის სახელმწიფო ბიუჯეტით**, ეტაპობრივად, ფაქტიურად მიწოდებული საქონლის მიხედვით. მიღება-ჩაბარების აქტისა და შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) შსს შესაბამისი სამსახურის მიერ ეკონომიკურ დეპარტამენტში წარმოდგენის შემდეგ არაუგვიანეს 15 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3. წინასწარი ანგარიშსწორება (ავანსი) არ გამოიყენება.

8. ხელშეკრულების შესრულების უზრუნველყოფის გარანტია

8.1. ხელშეკრულების შესრულების უზრუნველყოფის მიზნით მიმწოდებელმა ხელშეკრულების გაფორმებამდე წარმოადგინა სს „ბაზისბანკი“-ს მიერ გაცემული, ხელშეკრულების უზრუნველყოფის უპირობო და გამოუთხოვადი საბანკო გარანტია N 110462 გაცემული 2019 წლის 19 თებერვალს თანხით 27500 (ოცდაშვიდი ათას ხუთასი) ლარი, რომელიც წარმოადგენს ხელშეკრულების განუყოფელ ნაწილს. ხელშეკრულების შესრულების უზრუნველყოფის საბანკო გარანტიის მოქმედების ვადა განისაზღვრება 2019 წლის 31 აგვისტოს ჩათვლით.

8.2. ხელშეკრულების უზრუნველყოფის უპირობო გამოუთხოვადი საბანკო გარანტიის ოდენობა განისაზღვრება ხელშეკრულების ჯამური ღირებულების **5%-ის** ოდენობით.

8.3. მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს საბანკო გარანტია ან/და მასთან დაკავშირებული დოკუმენტაცია მოთხოვნიდან 14 დღის განმავლობაში.

8.4. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებელს მოთხოვნიდან 14 დღის განმავლობაში დაუბრუნოს ხელშეკრულების შესრულების უზრუნველყოფის საბანკო გარანტია.

8.5. გარანტია არის უპირობო, ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

9. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

- 9.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.
- 9.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.
- 9.3. ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების **0.1%-ის** ოდენობით.
- 9.4. ხელშეკრულების შეწყვეტის შემთხვევაში მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად.
- 9.5. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.
- 9.6. ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის **0.1%-ის** ოდენობით.
- 9.7. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

10. ხელშეკრულების შეწყვეტა

- 10.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.
- 10.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.
- 10.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 10.5. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:
- ა) მიმწოდებლის მიერ შესყიდვის ობიექტის მიწოდების ვადის 20 კალენდარულ დღეზე მეტი ვადით გადაცილების შემთხვევაში;
 - ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.
- 10.6. ამ მუხლის პირობები და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

11. ფორს-მაჟორი

- 11.1. ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.
- 11.2. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, სსიპ „საქართველოს საგაჭრო სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე

მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11.4. იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. ხელშეკრულებაში ცვლილებების შეტანა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12.3. ხელშეკრულების საბოლოო ღირებულება განისაზღვრება ფაქტობრივად მიწოდებული შესყიდვის ობიექტის ღირებულების შესაბამისად, რაც არ საჭიროებს დამატებით შეთანხმებას.

13. უფლებების გადაცემა

13.1. ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13.2. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.)

14. ღირებულება

14.1. მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2. მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

14.4. ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2. ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტ. პირი: **ზურაბ ტუკვაძე**; ტელ: **599 10-95-10**; ელექტრონული ფოსტა: **zura_tukvadze@yahoo.com**;

ბ) შემსყიდველის შემდეგი რეკვიზიტები: საკონტ. პირი: **გიორგი კერესელიძე**; ტელ: **591 90-42-72**; ელექტრონული ფოსტა: **b.liluashvili@mia.gov.ge**;

15.3. ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

15.4. შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1. ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

16.2. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.3. შემსყიდველს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით/ვალდებულების დარღვევით (მათ შორის უხარისხო შესრულებით).

16.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე და ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17.4. „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

17.5. „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

მხარეთა მიერ გამოყენებულია ელექტრონული ხელმოწერები.

ფასების ცხრილი

შპს „სოლემარტი“
04 თებერვალი 2019

#	საქონლის დასახელება	საქონლის ძირითადი მახასიათებლები (მისაწოდებელი საქონლის მწარმოებლის, წარმოშობის ქვეყნის და მოდელის მითითებით)	განზ-ბა	რაოდ-ბა	ერთეულის ღირებულება (ლარი)	ჯამური ღირებულება (ლარი)
1	პორტატული ნარკოტესტერი	<p>ფირმა: Securetec მოდელი: DrugWipe 5 S მწარმოებელი ქვეყანა: გერმანია</p> <p>ადგენს ნარკოტიკული საშუალებების შემდეგი კომპონენტების მოხმარებას ნერწყვის საშუალებით:</p> <ul style="list-style-type: none"> • Cannabis (THC) - მარიხუანა, ჰაშიში, THC. • Amphetamines - ამფეტამინები (d-amphetamine, d-methamphetamine), ამფეტამინი და მეტანმეტამინი (მათ შორის ექსტაზი); • Cocaine - კოკაინი; • Opiates (Morphine) - ოპიატები (მორფი, ჰეროინი); <p>ზომა: 132 x 29 x 17 მმ</p> <p>ტესტირების სრული საშუალო დრო: 5 წუთი;</p> <p>ტესტირების მაქიმალური დრო: 5 წუთი;</p> <p>ტესტირებისთვის საჭირო ნერწყვის რაოდენობა: 5 მიკროლიტრი;</p> <p>ნერწყვის შეგროვებისათვის საჭირო დრო: 3 წამი;</p> <p>არ საჭიროებს ინკუბაციას;</p> <p>რეზულტატი იკითხება დამატებითი მოწყობილობების გარეშე;</p> <p>სინჯის ბალიშს აქვს ინდიკატორი და მასზე საკმარისი ნერწყვის მოთავსებისას ვიზუალური ჩვენებისთვის იცვლის ფერს - წითლიდან ყვითელში;</p> <p>რეზულტატი ასახავს პოზიტიურ შედეგს (და არა ნეგატიურს) წითელი ფერის შეფერილობის ხაზით;</p> <p>გააჩნია მიღებული შედეგის ამოპრინტერების საშუალება ანალიზატორით ინტეგრირებული პრინტერით;</p> <p>აქვს ინტეგრირებული კონტროლის ხაზი (ე.წ. CL - Control Line) რომელიც მიუთითებს რომ ტესტი სრულად ფუნქციონალურია და სწორად შესრულდა.</p> <p>მარიხუანას შემთხვევაში ტესტი ავლენს ყველა იმ შემთხვევას, როცა ნარკოტიკული საშუალების მიღება მოხდა 8 საათის განმავლობაში;</p> <p>არც ოპერატორისთვის (ჰიგიენიური მიზნებიდან გამომდინარე) და არც ტესტირების ობიექტისთვის (შესაძლო მანიპულირების მცდელობის გამო) არ საჭიროებს ნერწყვთან პირდაპირ კონტაქტს.</p> <p>შენახვის ვადა: წარმოების დასრულებიდან 24 თვე;</p> <p>მიწოდების მომენტისთვის შენახვის დარჩენილი ვადა იქნება 80%-ზე მეტი</p> <p>ტესტი ავლენს ზემოაღნიშნული ნარკოტიკული საშუალების უმნიშვნელო კვალსაც კი</p> <p>CUT OFF კონცენტრაციები:</p> <ul style="list-style-type: none"> • მარიხუანა Cannabis (THC) – Cut-off 5 ng/ml; 	ცალი	10 000	54	540000

		<ul style="list-style-type: none"> • ამფეტამინის ჯგუფი Amphetamines (d-Amphetamine) - Cut-off 80 ng/ml; • მეტამფეტამინი (d-Methamphetamine) – Cut-off 80 ng/ml; • კოკაინი Cocaine – Cut-off 10 ng/ml; • ოპიატები Opiates (Morphine) - Cut-off 10 ng/ml; <p>იხილეთ კონკრეტული მოდელის მონაცემების ინტერნეტ ბმული: https://www.securetec.net/en/products/saliva-drug-test-drugwipe/</p>				
2	სპეციალური საბეჭდო ხელსაწყო	<p>ფირმა: Securetec მოდელი: WipeAlyser მწარმოებელი ქვეყანა: გერმანია</p> <p>ნარკოტესტერის ანალიზატორი ინტეგრირებული პრინტერით. თავსებადია შემოთავაზებულ ნარკოტესტერებთან;</p> <p>არის დარტყმა და წყალგამძლე;</p> <p>მაღალი გარჩევადობის ფერადი სენსორული ეკრანით;</p> <p>გააჩნია ინტეგრირებული GPS მოდული დროის და ადგილმდებარეობის ავტომატური დაფიქსირებისთვის სკრინინგის დროს;</p> <p>ტესტის შედეგებზე ავტომატურად ურთავს სკრინინგის თარიღს და GPS ადგილმდებარეობას;</p> <p>ინტეგრირებული პრინტერით სწრაფი და მარტივი ტესტის შედეგების დოკუმენტაციის ამოსაბეჭდად;</p> <p>ტესტის შედეგებზე და ამობეჭდილ დოკუმენტაციაზე შესაძლებელია ანალიზატორის მენიუდან დაერთოს ობიექტის სახელი, გვარი და სხვა პირადი ინფორმაცია;</p> <p>თვით შემოწმების (Self Check) ფუნქციით;</p> <p>თვითშემოწმების შემდეგი დროების მითითების ფუნქციით:</p> <p>ყოველდღიური, ყოველი ჩართვისას ან ყოველი ტესტირების დასაწყისში;</p> <p>ინტეგრირებული მეხსიერებით 1000 ანალიზის და დოკუმენტაციის შესაძლებლობა;</p> <p>ინტეგრირებული ტემპერატურის სენსორით ტემპერატურის მონიტორინგისთვის;</p> <p>ანალიტიკური სენსორის ტიპი: CCD ჩიპი;</p> <p>აქვს USB და CD ბარათის სლოტი;</p> <p>ინტეგრირებული ბარკოდის წამკითხველით;</p> <p>ელემენტი: დამუხტვადი ლითიუმ იონური;</p> <p>ავტონომიურ რეჟიმში ელემენტზე მუშაობის შესაძლებლობა: 8 საათი;</p> <p>დატენვის შესაძლებლობა: 100- 220 ვოლტი და ავტომობილის 12-24 ვოლტიანი დამტენით;</p> <p>რეკომენდირებული სამუშაო ტემპერატურა: +5... +40 ცელსიუსი დიაპაზონში;</p> <p>შენახვის ტემპერატურა „Standby“ რეჟიმში: -30... +80 ცელსიუსი დიაპაზონში;</p> <p>ზომა: 24სმ x 11სმ x 8 სმ;</p> <p>წონა: 800 გრამი პრინტერის ქაღალდის რულონიანად</p> <p>აპარატს (ანალიზატორს) კომპლექტში ახლავს:</p> <ul style="list-style-type: none"> • 1 ცალი გადასატანი ჩანთა, • 2 ცალი პრინტერის ქაღალდი, • 1 ცალი დამტენი კაბელი, • 1 ცალი ავტომობილის დამტენის კაბელი, 	ცალი	5	1000	5000

		<ul style="list-style-type: none"> 1 ცალი USB კაბელი, 2 ცალი სენსორული ეკრანის “Stylus” სამართავი კალამი. <p>იხილეთ კონკრეტული მოდელის მონაცემების ინტერნეტ ბმული: https://www.securetec.net/en/products/wipealyser/</p>				
3	ნარკოტესტერის შესანახი სპეციალური ყუთი	<p>ფირმა: Giostyle მოდელი: Fiesta 20 მწარმოებელი ქვეყანა: იტალია</p> <p>მყარი კორპუსით; სახურავი იხურება გერმეტულად; აქვს ერგონომიული სახელური გადასატანად; მოცულობა 19.5 ლიტრი; წონა: 1.6 კგ.; ზომა: 38სმ x 25სმ x 33 სმ; მოყვება ორი ცალი 400 გრამიანი ყინულის ელემენტი (ე.წ. Ice pack/Ice Tile); ყინულის ელემენტებით ტემპერატურის შენარჩუნება 13 საათის განმავლობაში.</p> <p>იხილეთ კონკრეტული მოდელის მონაცემების ინტერნეტ ბმული: http://www.giostyle.com/en/product/fiesta-20-2/</p>	ცალი	100	50	5000
სულ ჯამი: ხუთასორმოცდაათიათასი ლარი						550 000

შენიშვნა:

- ფასთა ცხრილის მე-2 პოზიციით გათვალისწინებული საქონლის (სპეციალური საბეჭდი ხელსაწყო) გარანტია: მიღება-ჩაბარების აქტის გაფორმებიდან 1 წელი. საგარანტიო ვადის პერიოდში გამოვლენილი წუნდებული საქონლის შეკეთება/შეცვლა უზრუნველყოფილი იქნება მიმწოდებელი კომპანიის ხარჯებით, მოთხოვნიდან არაუგვიანეს 10 (ათი) კალენდარული დღის ვადაში.
- პორტატული ნარკოტესტერების ღირებულებაში არ არის გათვალისწინებული დღგ-ის თანხა.
- საქონლის მიწოდების ვადები:
 - ფასთა ცხრილის პირველი და მეორე პოზიციებით გათვალისწინებული საქონელი - ხელშეკრულების გაფორმებიდან 60 (სამოცი) კალენდარული დღის განმავლობაში.
 - ფასთა ცხრილის მესამე პოზიციით გათვალისწინებული საქონელი - ხელშეკრულების გაფორმებიდან 90 (ოთხმოცდაათი) კალენდარული დღის განმავლობაში.
- საქონლის მიწოდების ადგილი: ქ. თბილისი, ქიზიყის ქუჩა N5.

შპს “სოლემარტის”



დირექტორი

ზ. ტუკვაძე